



Pranuar / Dorezuar Priljenen / Profutato Received / Delivery	02. 11	3	viti god year
Organ / Njësia Organ / Jednica Org. / Unit	Nr Prot Br Prot Prot No	Shtesa Prilog Appendix	Sasia Kolicitja Quantity
SHKIMETIK	6831/2023		116



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1182/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Jeton Koca dhe Ardita Haxhnikaj Demi-anëtarë, me Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.1182/2023 të datës 19.09.2023 të ankuesit i përfaqësuar nga Zyra Ligjore

me adresë:

Comuna Prishtinë, kundër

Komisionit Qendror të Zgjedhjeve, në çështjen juridike "kontestim konkursi" duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 dhe 1.4 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, neni 132 paragrafi 4 të Ligjit Nr.05/L-031 për Procedurën e Përgjithshme Administrativ dhe Rregulloren Nr.02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 02.11.2023, mori këtë.

V E N D I M

- I. Aprovohet si e bazuar ankesa me numër A.nr.1148/2023 e datës 19.09.2023 parashtruar nga ankues.
- II. Detyrohet Kryeshefi Ekzekutiv i Sekretariatit të Komisionit Qendror të Zgjedhjeve, të ndërmarrë të gjithë veprimet e nevojshme me qëllim të zbatimit të këtij vendimi duke ia lëshuar ankuesit aktin e emërimit, në afatin prej pesëmbëdhjetë (15) ditësh, nga dita e pranimit të këtij vendimi.
- III. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi me datë 19.09.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, për shkak të mosveprimit të Kryeshefit Ekzekutiv i Sekretariatit të Komisionit Qendror të Zgjedhjeve sipas Vendimit të datës 11.08.2023 të Komisionit për Zgjidhjen Kontesteve dhe Ankesave të KQZ-së, pasi që në kuptim të nenit 82 paragrafi 2 të

Ligjit Nr.03/L-149 për Shërbimin Civil të Kosovës dhe nenit 5 paragrafi 2 të Udhëzimit Administrativ Nr.02/2018 për Procedurën e Zgjidhjes së Kontesteve dhe të Ankesave, vendimet e Komisionit për Zgjidhjen e Kontesteve dhe Ankesave janë të detyrueshme për Sekretariatën e Komisionit qendror të Zgjedhjeve.

Këshilli i Pavarur Mbikëqyrës për Shërbimin Civil të Kosovës (me tej KPMSHCK) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 27.09.2023 ka proceduar kërkesën për përgjigje në ankesë të KQZ, ndërsa me datë 02.10.2023, KPMSHCK-ja ka pranuar përgjigjen në ankesë se bashku me shkresat lidhur me çështjen në procedurë.

Kolegji për Shqyrtimin dhe Vendosjen e Ankesave për shqyrtimin e kësaj lënde, ka administruar këto prova: Ankesën e ankuesit të parashtruar me datë 19.09.2023 në Këshillin e Pavarur Mbikëqyrës për Shërbimin Civil të Kosovës; Vendimin e Këshillit A.nr.804/2023 të datës 26.07.2023; Vendimin e datës 11.08.2023 e Komisionit për Zgjidhjen e Kontesteve dhe Ankesave; Kërkesën e ankuesit të datës 08.09.2023; E-mailin e datës 11.09.2023 dërguar nga V.B për ankuesin; Kërkesën për përgjigje në ankesë të datës 27.09.2023; Përgjigjen në kërkesë të datës 02.10.2023; E-mailin e datës 16.08.2023 dërguar nga V.B për ankuesin; E-mailin e datës 08.09.2023 dërguar nga V.B për B.A; E-mailin e datës 12.09.2023 dërguar nga V.B për ankuesin; E-mailin e datës 12.09.2023 dërguar nga Këshilli për V.B; E-mailin e datës 16.08.2023 dërguar nga V.B për R.M; Shpresën e titulluar "Kallëzim Penal" të datës 07.08.2023; Kërkesën me shifër:02-334-2023 dërguar nga B.A për Departamentin e Hetimeve në Policinë e Kosovës; Ankesën A.nr.804/2023, e datës 02.06.2023 të parashtruar në Këshillin e Pavarur Mbikëqyrës për Shërbimin Civil të Kosovës; Autorizimi i datës 30.05.2023; Aktgjykim i Gjykatës Kushtetuese me numër të rastit KO171/18 i datës 20.05.2019; Konkursin e shpallur nga KQZ të datës 30.01.2023; Njoftimi për kandidatin e Suksesshëm i datës 10.03.2023;E-mail i dërguar nga V.B drejtuar L.A i datës 10.03.2023; Vendimi i Kryeshefit Ekzekutiv me numër 02-396-2023 i datës 07.04.2023; Vendim me numër 08/27-658-2023 i datës 17.05.2023; Kërkesa për përgjigje në ankesë e datës 09.06.2023; Përgjigja në ankesë e datës 14.06.2023; Vendim për Themelimin e Komisionit me numër 02-184-2023 i datës 20.02.2023; Akt emërim për N.H i datës 24.10.2022; Ndryshim dhe plotësim i akt emërimit për M.M i datës 04.02.2019; Akt emërim për F.L i datës 02.07.2019; Ndryshim Plotësim i Akt emërimit për V.K i datës 04.02.2019; Ndryshim Plotësim i Akt emërimit për Z.S i datës 04.02.2019; Kërkesa për punësim për R.M e datës 06.02.2023; Certifikata e lindjes i datës 03.02.2023; Certifikata e Vendbanimit e datës 03.02.2023; Kopja e letërnjoftimit për R.M; Certifikata mbi dënimet penale e datës 03.02.2023; Vendim i lëshuar nga Ministria e Arsimit Shkencës dhe Teknologjisë me numër ref.6-1534 i datës 20.03.2018; Licencë e lëshuar nga Universiteti i Uludag i datës 09.09.2013; Vërtetim i Kopjes nga Dokumenti Origjinal me numër LPR 767/2023 i datës 02.02.2023; certifikata e studentit; Diplomë e lëshuar nga Universiteti i Balikesir me numër 25-02-0000688; Vërtetim i Kopjes nga Dokumenti Origjinal me numër LPR 766/2023 i datës 02.02.2023; Informatat e Identifikimit të lëshuar nga Universiteti i Uludag; Vlerësimi i përfunduar 2022 për R.M i datës 12.01.2023; Vlerësimi i përfunduar 2021 për R.M i datës 06.01.2022; Certifikata e notave me datë 24.03.2021; Certifikata e studentëve; Transkripta e të dhënave të akademisë e datës 02.02.2023; Vendim i lëshuar nga Komuna e Mamushës me numër 23/2023 i datës 03.02.2023; Pasqyra e Llogarisë në Trust për periudhën kohore 01.12.2017 deri 31.01.2023; Certifikatë pjesëmarrje për R.M e lëshuar nga Erasmus+, Kosgeb, Turkish National Agency dhe BFP Kosova; Certifikatë e lëshuar nga Oda e Mjekëve të Kosovës dhe Accesible Quality Healthcare e datës 07.11.2018; Certifikatë e lëshuar nga USAID, Komisioni rregullativ i Prokurimit Publik, Ministria e Administratës së Pushtetit Lokal dhe Instituti i Kosovës për Administratë Publike;

Certifikatë e arritjes për R.M e lëshuar nga IRI; Vërtetim për pranimin e aplikacionit nga Divizioni i personelit i datës 06.02.2023; Raporti nga Kryesuesi i Komisionit Përzgjedhës mbi përgatitjen e listës së ngushtë e datës 23.02.2023; Kërkesë për punësim e L.A e datës 10.02.2023; Deklaratë e lëshuar nga Komisioni Qendror i Zgjedhjeve; Certifikatë mbi dënimet penale e datës 31.01.2023; CV- ja e L.A; Deklarim nga L.A e datës 06.01.2023 (në gjuhën shqipe dhe sllovene); Ekstrakt nga sigurimi ne Republikën e Sllovenisë (në gjuhën shqipe dhe sllovene); Vërtetim i lëshuar nga Sekretariati i Komisionit Qendror të Zgjedhjeve -2023; Vërtetim i lëshuar nga Sekretariati i Komisionit Qendror të Zgjedhjeve i datës 31.12.2017; Letër rekomandimi i datës 26.03.2021; Letër rekomanduese e datës 10.01.2018; Kontributet në trust e datës 06.04.2022; Shkresë me numër 439 e datës 08.02.2023; Vërtetim për pranimin e aplikacionit nga Divizioni i personelit i datës 10.03.2023; Kopja e letërnjoftimit për L.A; Diplomë e lëshuar nga Kolegji Pjetër Budi me numër 230 e datës 27.12.2012; Diplomë e lëshuar nga Universiteti i Prishtinës për L.A; Kërkesë për punësim për I.M; Deklaratë e lëshuar nga KQZ e datës 07.02.2023; Certifikatë e lëshuar nga Alperenler e datës 13.08.2005; Certifikatë e lëshuar nga Alperenler e datës 13.07.2004; Kontratë ndërmjetësimi me agjentë të jashtëm me numër 289 e datës 29.05.2016; Certifikatë e regjistrimit të biznesit me numër 71295737 e datës 29.07.2016; Njoftim për shuarjen e biznesit e datës 23.11.2016 me korrespondencën e bashkangjitur; Certifikatë Trajnimi e lëshuar nga Austrian Development Corporationi Projekti i UE dhe Eorld Vision e datës 16.06.2013; Certifikatë e lëshuar nga Agjencia për Informim dhe Pivatësi e datës 24.08.2021; Certifikatë e lëshuar nga Agjencia për Informim dhe Pivatësi e datës 31.08.2021; Certifikatë e lëshuar nga GUC dhe ITM e datës 09.12.2009(në gjuhën turke dhe anleze); Certifikatë e lëshuar nga GUC dhe ITM e datës 25.04.2009; Çertifikatë e lëshuar nga Instituti i Kosovës për Administratë Publike e datës 07.11.2018; Certifikatë e lëshuar nga OSCE e Datës 25.05.2013; Certifikatë e lëshuar nga Akademia Diplomatike e datës 28.11.2018; Diplomë e lëshuar nga Universiteti i Trakya me numër 2778 e datës 01.09.2010; Akt emërim për I.M e datës 01.09.2018; Pasqyra e llogarisë në Trust për periudhën kohore 02.12.2013 deri 06.02.2023; Certifikatë mbi dënimet penale për I.M e datës 03.02.2023; Kopje e letërnjoftimit për I.M; Formulari mbi vlerësimin e rezultateve në punë të nëpunësve civil dhe nëpunësve të shërbimeve publike për kategorinë drejtues i mesëm, i ulët dhe profesional për I.M e datës 13.02.2023; Formulari mbi vlerësimin e rezultateve në punë të nëpunësve civil dhe nëpunësve të shërbimeve publike për kategorinë drejtues i mesëm, i ulët dhe profesional për I.M e datës 31.01.2023; Vendim i lëshuar nga Zyra e Sekretarit të Përgjithshëm i Ministrisë së Arsimit Shkencës dhe Teknologjisë me numër ref.6/817; Certifikatë e emërtimit për I.M e datës 14.08.2013; Vërtetim për pranimin e aplikacionit nga Divizioni i personelit i datës 14.02.2023; Raporti nga Komisioni Përzgjedhës për vlerësimin e testeve me shkrim për pozitën KQZ-05/2020 Zyrtar i Lartë Komunal i Zgjedhjeve në Mamushë i datës 06.03.2023; Raporti final i rekomandimit nga Komisioni Rekrutues i datës 07.03.2023; Kërkesa për aprovimin e Rekomandimit të Komisionit Përzgjedhës i datës 08.03.2023; Vlerësimi individual i kandidatëve për vendin e punës për të cilin nuk kërkohet njohja e ndonjë gjuhe të huaj nga anëtarët e komisionit për L.A; Vlerësimi individual i kandidatëve për vendin e punës për të cilin nuk kërkohet njohja e ndonjë gjuhe të huaj nga anëtarët e komisionit për R.M; Përmbledhje e vlerësimeve individuale; Renditja përfundimtare e kandidatëve ; Vendimi për anulimin e konkursit me numër 02-396-2023 i datës 07.04.2023; Deklarata nën betim e F.M me numër 09-381-2023 e datës 07.04.2023; E-mail i dërguar nga B.A drejtuar A.D e datës 06.04.2023; Kontrata mbi shfrytëzimin e paluajtshmërisë me qira e datës 08.12.2021; Vërtetim nënshkrimi me numër LPR.nr.256/2021 e datës 08.12.2021; E-mail i dërguar nga V.B drejtuar L.A e datës 23.03.2023; E-mail i dërguar nga L.A drejtuar V.B e datës 28.03.2023; Certifikatë e lëshuar nga Creative për L.A; Transaksionet e konsumatorit për KKFE-KESCO-KPSE për periudhën kohore 01.01.2022 deri 31.12.2023; E-mail i

dërguar nga P.R drejtuar B.A e datës 23.03.2023 me korrespondencën e bashkangjitur; E-mail i dërguar nga L.A drejtuar V.B e datës 28.03.2023; Ankesë drejtuar Komisionit për Zgjedhjen e Kontesteve dhe Ankesave me numër 09-446-2023 e datës 19.04.2023; E-mail i dërguar nga V.B drejtuar L.A e datës 07.04.2023; Vendimi i Komisionit për Zgjedhjen e Kontesteve dhe Ankesave me numër 08/27-658-2023 e datës 17.05.2023; Vendimin VK/2023 me numër protokolli:5204/2023 i datës 13.07.2023 i Kryetarit të Këshillit.

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkangjitura të lëndës të dërguara nga palët në procedurë, ka konstatuar se ankesa e ankuesit është e bazuar, sepse:

Kolegji për Shqyrtimin dhe Vendosjen e Ankesave bazuar në shkresat e lëndës të parashtruara nga palët në procedurë, ka gjetur se Komisioni Qendror i Zgjedhjeve me datë 30.01.2023 ka shpallur konkursin publik për gjashtë (6) pozita të lira, prej tyre edhe pozitën me shifër "KQZ-05/2023-Zyrtar i Lartë Komunal i Zgjedhjeve në Mamushë", ndërsa sipas shkresave të lëndës konstatohet se në këtë konkurs për pozitën e lartcekur ka aplikuar edhe kandidati [redacted] i cili sipas Njoftimit të datës 10.03.2023 të Sekretariatit të Komisionit Qendror të Zgjedhjeve rezulton se pas përfundimit të procedurës së rekrutimit i njëjti është shpallur kandidatë i suksesshëm për pozitën "Zyrtar i Lartë Komunal i Zgjedhjeve në Mamushë" pasi që ka arritur të fitoj 82.2 pikë.

Tutje, Kryeshefi Ekzekutiv i Sekretariatit të Komisionit Qendror të Zgjedhjeve përmes Vendimit me numër 02-396-2023 të datës 07.04.2023 ka anuluar konkursin për pozitën "KQZ-05/2023-Zyrtar i Lartë Komunal i Zgjedhjeve në Mamushë", me arsyetimin se sipas nenit 1.2 të Ligjit Nr.02/L-37, për përdorimin e gjuhëve, në nivelin komunal gjuhët tjera të bashkësisë si gjuha turke, boshnjake dhe rome janë gjuhë në përdorim zyrtarë të cilat kandidati i suksesshëm nuk i njeh, si dhe mbi bazën e "Deklaratës nën Betim" nga F.M të pranuar me datën 07.04.2023 nga Kryeshefi Ekzekutiv i Sekretariatit të KQZ-së sipas së cilës deklaratë ankuesi pavarësisht që ka marr banesë me qera nga deklaruesi F.M, i njëjti asnjëherë nuk ka banuar në Mamushë.

Ankuesi i pa kënaqur me Vendimin numër 02-396-2023 të datës 07.04.2023 të Kryeshefit Ekzekutiv të Sekretariatit të Komisionit Qendror të Zgjedhjeve ka parashtruar ankesë në Komisionin për Zgjedhjen e Kontesteve dhe Ankesave, ndërsa Komisioni për Zgjedhjen e Kontesteve dhe Ankesave përmes Vendimit me numër 08/27-658-2023 të datës 17.05.2023 e ka refuzuar ankesën e ankuesit të datës 19.04.2023 ndërsa ka lënë në fuqi Vendimin me numër 02-396-2023 të datës 07.04.2023 të Kryeshefit Ekzekutiv të Sekretariatit të Komisionit Qendror të Zgjedhjeve për anulimin e konkursit në fjalë në të cilin ankuesi kishte rezultuar kandidatë i suksesshëm.

Ankuesi, më datë 02.06.2023 kishte parashtruar ankesë në Këshill kundër Vendimit me numër 08/27-658-2023 të datës 17.05.2023 të Komisioni për Zgjedhjen e Kontesteve dhe Ankesave, kurse Këshilli me datë 26.07.2023 kishte nxjerrë Vendimin A.nr.804/2023 të datës 26.07.2023, përmes të cilit e kishte anuluar Vendimin me numër 08/27-658-2023 të datës 17.05.2023 të Komisioni për Zgjedhjen e Kontesteve dhe Ankesave, ndërsa lëndën e ankuesit e kishte në ri-shqyrtim dhe rivendosje tek organi i njëjti. Tutje, Komisioni për Zgjedhjen e Kontesteve dhe Ankesave e ka rishqyrtuar lëndën e ankuesit dhe me datë 11.08.2023 ka nxjerrë Vendimin me shifër 02/27-658/2-2023 përmes të cilit e ka aprovuar ankesën e ankuesit të datës 19.04.2023, e ka anuluar Vendimin me numër 02-396-2023 të datës 07.04.2023 të Kryeshefit Ekzekutiv të Sekretariatit të Komisionit Qendror të Zgjedhjeve, ndërsa e ka lënë në fuqi Njoftimit të datës 10.03.2023 të Sekretariatit të Komisionit Qendror të Zgjedhjeve, sipas të cilit ankuesi [redacted] rezulton të jetë kandidatë i

suksesshëm për pozitën e shpallur me shifër "KQZ-05/2023-Zyrtar i Lartë Komunal i Zgjedhjeve në Mamushë".

Meqenëse Komisioni për Zgjedhjen e Kontesteve dhe Ankesave sipas vendimit të datës 11.08.2023 e kishte lënë në fuqi njoftimit e datës 10.03.2023 të Sekretariatit të Komisionit Qendror të Zgjedhjeve, sipas të cilit ankuesi rezulton të jetë kandidatë i suksesshëm për pozitën "Zyrtar i Lartë Komunal i Zgjedhjeve në Mamushë", me datë 08.11.2023 i është drejtuar me kërkesë Njesisë për Menaxhimin e Burimeve Njerëzore të KQZ-së, ndërsa kjo e fundit me datë 11.09.2023 i ka thyer përgjigje ankuesit me arsyetimin se nuk është përmbush parakushti ligjor për zbatimin e Vendimit të datës 11.08.2023 të Komisionit për Zgjedhjen e Kontesteve dhe Ankesave, pasi që ende nuk kaluar fati ligjore për ankimim në Këshill sipas këshillës së dhënë juridike.

Nga administrimi i shkresave të lëndës, Kolegji i Këshillit ka gjetur se kundër Vendimit me shifër 02/27-658/2-2023 të datës 11.08.2023 të Komisionit për Zgjedhjen e Kontesteve dhe Ankesave, me datë 11.09.2023 ka parashtruar ankesë në Këshill ankuesi R.M i cili rezulton të ketë qenë kandidatë në procedurën e rekrutimit për "Zyrtar i Lartë Komunal i Zgjedhjeve në Mamushë", ndërsa Këshilli me datë 25.10.2023 ka nxjerrë Vendimin me shifër A.nr.1153/2023 përmes të cilit e ka refuzuar ankesën e ankuesit R.M të datës 11.09.2023, ndërsa e ka lënë në fuqi Vendimin me shifër 02/27-658/2-2023 të datës 11.08.2023 të Komisionit për Zgjedhjen e Kontesteve dhe Ankesave.

Me qëllim të shqyrtimit të ligjshmërisë së pretendimit ankimor të ankuesit lidhur me kërkesën që të zbatohet Vendimin me shifër 02/27-658/2-2023 të datës 11.08.2023 të Komisionit për Zgjedhjen e Kontesteve dhe Ankesave nga ana e Kryeshefit Ekzekutiv të Sekretariatit të Komisionit Qendror të Zgjedhjeve, e që në vlerësimin e Kolegjit të Këshillit lenë të kuptohet që kërkesa në vetë përmban qëllimin për emërim në pozitën për të cilën është shpallur kandidatë fitues, andaj Kolegji i Këshillit iu referua dispozitave të nenit 144 paragrafi 1 nën paragrafi 1.1 të Ligjit Nr.05/L-031 për Procedurën e Përgjithshme Administrative ku përcaktohet se: "1.Një akt administrativ do të bëhet i ekzekutueshëm me: Njoftimin e palës për refuzimin e ankesës" si dhe nenin 21 paragrafi 1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës ku përcaktohet se: "Vendimi i Këshillit është vendim administrativ i formës së prerë dhe zbatohet nga zyrtari i nivelit të lartë drejtues ose personi përgjegjës i institucionit që e ka marrë vendimin e parë ndaj palës" ka ardhur në konstatimit se kanë kaluar të gjitha parakushtet ligjore apo janë plotësuar të njëjtat ashtu që Vendimi me shifër 02/27-658/2-2023 të datës 11.08.2023 të Komisionit për Zgjedhjen e Kontesteve dhe Ankesave duhet të ekzekutohet ngase Këshilli ka vendosur lidhur me ankesën e parashtruar ndaj të njëjtit akt, ankesë e cila është refuzuar sipas Vendimit të datës 25.10.2023 me shifër A.nr.1153/2023, prandaj duke marrë për bazë nenin 34 të Rregullores Nr.02/2017 për Procedurat e Rekrutimit, Emërimit dhe Punës Provuese të Nëpunësve të Sekretariatit të Komisionit Qendror të Zgjedhjeve si dhe nenin 5 paragrafi 2 të Udhëzimit Administrativ Nr.02/2018 për Procedurën e Zgjidhjes së Kontesteve dhe të Ankesave, Kryeshefi Ekzekutiv i Sekretariatit të Komisionit Qendror të Zgjedhjeve detyrohet që t'i ndër marr të gjitha veprimet e nevojshme juridike me qëllim që ankuesit t'i mundësohet emërimi në pozitën për të cilën është shpallur kandidat fitues sipas Njoftimit të 10.03.2023 të Sekretariatit të Komisionit Qendror të Zgjedhjeve.

Andaj, nga se u tha si më lartë nga administrimi i shkresave të lëndës dhe konstatimit të gjendjes faktike me qëllim të zbatimit të drejtë të dispozitave të akteve të veçanta nënligjore të Komisionit Qendror të Zgjedhjeve, Kolegji i Këshillit duke u mbështetur në nenin 18 paragrafi 1 nën paragrafi 1.2 dhe 1.4 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës

dhe nenin 132 paragrafi 5 të Ligjit Nr.05/L-031 për Procedurën e Përgjithshme Administrative, e ka aprovuar ankesën e ankuesit të datës 19.09.2023 ndërsa e ka detyruar Kryeshefin Ekzekutiv i Sekretariatit të Komisionit Qendror të Zgjedhjeve që ankuesit t'ia lëshojë aktin e emërimit sikurse në dispozitivin e të këtij vendimi.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 18 paragrafi 1 nën paragrafi 1.2 dhe 1.4 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe neni 132 paragrafi 5 të Ligjit Nr.05/L-031 për Procedurën e Përgjithshme Administrative, Kolegji vendosi si në dispozitiv të këtij Vendimi.

Ky vendim hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1182/2023

Flakron Gashi

Zyrtar i Lartë për Bashkëpunim Profesional



Vendimi i dërgohet:

- Përfaqësueses së ankuesit
- Kryeshefit Ekzekutiv të Sekretariatit të Komisionit Qendror të Zgjedhjeve;
- Udhëheqësit të Burimeve Njerëzore në Komisionin Qendror të Zgjedhjeve, dhe
- Arkivit të KPMSHCK-së.